

ГАДААДЫН ЗАРИМ ОРНЫ ПАРЛАМЕНТЫН СУДАЛГААНЫ НЭГЖИЙН ТАЛААРХИ МЭДЭЭЛЭЛ


Ц. Болормаа, Г. Билгээ

Тамгийн газрын судалгааны төвөөс 2009 онд дэлхийн зарим улс орны парламентын судалгаа, шинжилгээний үйлчилгээ, 2012 онд дэлхийн 47 орны парламентын ажлын албаны үндсэн чиг үүрэг, бүтэц, зохион байгуулалтын талаарх харьцуулсан судалгаа, мэдээллийн ажлыг хийсэн. Энэхүү хийгдсэн ажлуудад хамрагдсан гадаадын 50 орны 92 хувь нь Парламентын судалгааны нэгжтэй байна. Цаашлаад парламентын судалгаа, шинжилгээний үйлчилгээ бусад оронд ямар бүтэц зохион байгуулалттайгаар явагдаж буйг хүснэгтээр дэлгэрэнгүй үзүүлээ.

Парламентын судалгаа, шинжилгээний нэгжийн бүтцийн хувьд ерөнхий хоёр хэлбэр байна. Энэ нь:

- а) Парламентын ажлын албаны дотоод бүтцэд байх
- б) Парламентын ажлын албатай ижил статустайгаар парламентын дэргэд байх үндсэн хоёр зохион байгуулалттай байна.

Парламентын судалгаа шинжилгээний нэгжтэй гэх 46 орны парламентын судалгааны нэгжүүдийг харьцуулбал тэдгээрийн 38 нь буюу 83 хувь нь Парламентын ажлын албаны дотоод бүтцэд, харин 8 нь буюу 17 хувь нь Парламентын ажлын албатай ижил статустайгаар парламентын дэргэд тус тус байна. Эдгээр 46 орны Парламентын ажлын албадын тал хувьд нь судалгаа, шинжилгээний нэгж болон номын сан хамт зохион байгуулагдсан байна.



1. Парламентын Судалгааны нэгж парламентын ажлын албатай ижил статустай байх хэлбэр

Хүснэгт №1.

№	Улс орон	Бүтэц, зохион байгуулалт	Орон тоо	Эрх зүйн орчин



1	АНУ - Конгрессийн судалгааны алба / CRS/	<ul style="list-style-type: none"> • Захирлын ажлын алба • Судалгааны 5 салбар, 1 хэсэгтэй. Үүнд: <ul style="list-style-type: none"> - Нэгдсэн улсын хуулийн салбар - Нийгмийн бодлогын салбар - Гадаад хэрэг, батлан хамгаалах, худалдааны салбар - Засгийн газар ба Санхүүгийн салбар - Шинжлэх ухаан, үйлдвэрлэл, нөөцийн салбар - Мэдлэгийн үйлчилгээний хэсэг 	<p>CRS: 700 гаруй ажилтантай:</p> <ul style="list-style-type: none"> - бодлогын шинжээч – 450, - мэргэшсэн судлаач – 250 <p>Төсвийн алба – 300</p>	Бүтэц зохион байгуулалтын тухай хууль /1970/
2	Австрали Парламентын Номын сан /Parliamentary Library/	<p>Парламентын номын сан хоёр үндсэн хэсгээс бүрдэнэ. Үүнд:</p> <ul style="list-style-type: none"> - Судалгаа, шинжилгээ - Мэдээлэл <p>Судалгааны салбар 7 хэсэгтэй. Үүнд:</p> <ul style="list-style-type: none"> - Эдийн засгийн судалгааны хэсэг - Гадаад хэрэг, аюулгүй байдалын судалгааны хэсэг - Эрх зүй болон хуулийн төслийн шинжилгээний хэсэг - Улс төр болон нийтийн удирдлагын судалгааны хэсэг - Шинжлэх ухаан, технологи, Хүрээлэн буй орчин байгалийн баялагын судалгааны хэсэг - Нийгмийн бодлогийн судалгааны хэсэг - Статистик дүрслэлийн судалгааны хэсэг 	<ul style="list-style-type: none"> - Судалгааны салбар нь 80 гаруй судлаач, - Мэдээллийн салбар нь 60 гаруй албан хаагчтай 	Парламентын үйлчилгээний тухай хууль
3	Вьетнам Хууль зүйн судалгааны институт /LRI/	<ul style="list-style-type: none"> • Шинжлэх ухааны судалгааны төв: <ul style="list-style-type: none"> - Мэргэшсэн хэлтсүүд - Судалгааны менежментийн хэлтэс • Шинжлэх ухааны мэдээллийн төв: <ul style="list-style-type: none"> - Мэргэшсэн хэлтсүүд • Ерөнхий үйл ажиллагааны газар: <ul style="list-style-type: none"> - Захиргаа, нөөцийн хэлтэс - Гадаад харилцаа, хамтын ажиллагааны хэлтэс - Санхүүгийн хэлтэс 	<p>ХЗСИ нь:</p> <ul style="list-style-type: none"> -250 гаруй мэргэжилтэн, эксперт, судлаач, -50 гаруй албан хаагчтай 	Үндэсний Ассамблейн Байнгын хорооны 2008 оны 614-р тогтоол
4	Канад Парламентын номын сан /Parliamentary Library/	<p>Сенат, Нийтийн танхимын нэгдсэн байнгын хорооны үйл ажиллагаанд тусалцаа үзүүлдэг. Мөн парламентын гишүүдэд, болон Сенат, Танхимын албаны хүмүүст</p> <ul style="list-style-type: none"> • бүх талын мэдээлэл, баримт бичгээр хангах, • өргөн хүрээний судалгаа, шинжилгээ хийх, • парламентын түүх, үйл ажиллагааг олон нийтэд таниулах • сургалт зохион байгуулах <p>зэргээр үйлчилгээ үзүүлэхээс гадна олон нийтэд хандсан мэдээлэл, танин мэдэхүйн төрөл бүрийн арга хэмжээ зохион байгуулдаг.</p>	300 орчим албан хаагчтай	Канадын парламентын актын 73-79-р зүйл

Судалгааны эмхтгэл, XIII боть

5	Саудын Араб Судалгаа, мэдээллийн ерөнхий хэлтэс	Зөвлөх зөвлөлийн даргын удирдлаганд хамаарна.		- Зөвлөх зөвлөлийн тухай хууль - Зөвлөх зөвлөлийн дэг тухай хууль
6	БНСУ -Үндэсний судалгааны газар /NRD/	Үндэсний судалгааны газар нь ҮХ-ын Номын сан, ҮХ-ын Төсвийн газар, Тамгын газрын хамт Үндэсний Хурал (ҮХ)-ын даргын удирдлаганд хамаарна. ҮСГ нь дараах бүтэцтэй: - Төлөвлөлт, удирдлагын алба - Улс төр, захиргааны судалгааны алба - Эдийн засаг аж үйлдвэрийн алба - Нийгэм, соёлын судалгааны алба		Үндэсний Ассамблейн тухай хууль
7	Шинэ Зеланд Парламентын судалгаа, боловсролын бүлэг	Клеркийн газрын орлогч нь бага хэмжээний процедурын судалгаа ба бодлогын хөгжлийн бүлгийг толгойлох бөгөөд уг бүлэг нь процедурын мэдээллийн нэгдсэн төв санг бүлдүүлэх, хадгалах ажил болон парламентын боловсролын асуудлыг хариуцна.		
8	Япон Номын Сангийн судалгаа, хуулийн лавлагааны товчоо	Парламентын номын сантай хамт нэгдсэн удирдлагатай бөгөөд парламентын ажлын албатай ижил статустай. - Номын сан - Номын сангийн судалгаа, хуулийн лавлагааны товчоо	Номын сан нийт 900 албан хаагчтай. -190 орчим нь судалгааны албан хаагчид байна	• Парламентын тухай хуулийн XVII дугаар бүлгийн 130-133 зүйл • Танхимуудын тухай хууль /1948/

2. Парламентын Судалгааны нэгж парламентын Ажлын албаны дотоод бүтцэд байх хэлбэр

Хүснэгт №2.

№	Улс орон	Ерөнхий мэдээлэл	Эрх зүйн орчин
1	Австри - Мэдээллийн хэлтэс - Парламент судлалын хэлтэс	Мэдээллийн хэлтэсийн чиг үүрэг: - Үндэсний болон Холбооны Зөвлөл /ҮЗ, ХЗ/-ийн Ерөнхийлөгчид мэдээллийн үйлчилгээ үзүүлэх; - Парламентын бүлгүүд болон парламентын Тамгын газарт мэдээллийн үйлчилгээ үзүүлэх; - Тухайн цаг үеийн мэдээллийн хэрэгслүүдийн мэдээлэл, судалгаа шинжилгээнд анализ хийх; Парламент судлалын хэлтэсийн чиг үүрэг: - парламентын асуудлаарх суурь шинжлэх ухааныг хөгжүүлэх, - Австрийн Үндсэн хууль болон ардчилалын шинэчлэлийн процессийг баримтжуулах, - эрдэм шинжилгээний хурал зохион байгуулах, Захиргааны алба хоорондын техник солилцоог хариуцах (L1 болон L4), - эрдэм шинжилгээний төслийн хүрээнд их дээд сургууль, сургалтын байгууллага, олон улсын байгууллагатай хамтран ажиллах,	



2	Аргентин Парламентын мэдээллийн захиргаа	Парламентын мэдээллийн захиргаа нь Депутатуудын танхимын ЕНБД-ын удирдлаганд Парламентын мэдээллийн захиргаанд хамаарна. Хууль тогтоох үйл ажиллагаатай холбоотой чиг үүргийг хэрэгжүүлнэ. Мөн Сенатын танхимын ЕНБД-ын удирдлаганд Холбооны парламент судлалын институт	
3	Армян Судалгаа, шинжилгээний газар	Судалгаа, шинжилгээний газар дараах бүтэцтэй: - Нийгмийн судалгааны хэлтэс - Эдийн засгийн судалгааны хэлтэс	Үндэсний хурлын дэгийн тухай хууль болон бие даасан бусад хууль, журам
4	Босни-Герцеговин Судалгааны газар	Судалгааны газар нь Нарийн бичгийн дарга нарын Коллегиор удирдуулсан Нэгдсэн албаны харьяанд хамаарна.	
5	Ботсван Судалгаа, редакцийн хэлтэс	Судалгаа, редакцийн хэлтэс нь ЕНБД-ын орлогчийн удирдлаганд хамаарна.	
6	Бразил Баримтжуулалт ба мэдээллийн төв	Парламентын доод танхимын Тамгын газрын Хуулийн хэлтэсийн харьяанд Баримтжуулалт ба мэдээллийн төв нь дараахь үндсэн чиг үүргийн дагуу ажиллана: - Хуулийн шинжлэл - Мэдээлэл, судалгаа - Баримтжуулалт, архивын бүрдүүлэлт - Хэвлэн нийтлэх үйл ажиллагаа - Олон нийттэй харилцах - Номын сангийн үйлчилгээ	
7	Габон Баримтжуулалт, сургалт, шинжлэх ухааны судалгааны газар	Баримтжуулалт, сургалт, шинжлэх ухааны судалгааны газар нь ЕНБД-ын удирдлаганд Эрх зүй, хууль тогтоомжийн ерөнхий газарт үйл ажиллагаагаа явуулдаг.	
8	ХБНГУ Судалгаа, гадаад харилцааны ерөнхий газар	Бундестагийн ЕНБД-ын удирдлаганд байдаг Судалгаа, гадаад харилцааны ерөнхий газар нь 3 газартай: • Судалгааны газар • Гадаад харилцааны газар • Өргөдөл, хүсэлт хариуцсан газар Судалгааны газрын чиг үүрэг нь парламентын гишүүдийг мэргэжлийн өндөр түвшинд боловсруулсан мэдээллээр хангах, анализ шинжилгээ хийх, зөвлөмж гаргах юм. Дараахь секторуудтай: - Түүх, орчин үеийн түүх, улс төрийн судалгааны хэсэг - Гадаад харилцаа, ОУ-ын хууль, Эдийн засгийн хамтын ажиллагаа, хөгжил, Батлан хамгаалах, Хүний эрх, Хүмүүнлэгийн тусламжийн судалгааны хэсэг, - Үндсэн хуулийн эрх зүй, Төрийн захиргааны судалгааны хэсэг, - Төсөв, санхүүгийн судалгааны хэсэг, - Эдийн засаг, технологи, Хэрэглэг-чийн эрхийг хамгаалах, Хүнс, ХАА, Аялал, жуулчлалын судалгааны хэсэг, - Хөдөлмөр, нийгмийн асуудлын судалгааны хэсэг, - Эрүү, иргэн болон иргэн, эрүүгийн байцаан шийтгэх хууль, Байгаль орчныг хамгаалах хууль, Тээвэр, барилга, хот байгуулалтын хуулийн судалгааны төв, - Байгаль орчны хамгаалалт, цөмийн аюулгүй байдал, Боловсрол, шинж-лэх ухааны судалгааны хэсэг, - Эрүүл мэнд, гэр бүл, өндөр настан, эмэгтэйчүүд, залуучуудын судалгааны хэсэг, - Соёл, хэвлэл мэдээллийн хэрэгсэл, спортын судалгааны баг, - Европын асуудлын судалгааны хэсэг тус тус байна.	

Судалгааны эмхтгэл, XIII боть

9	Гүрж Судалгааны газар	Судалгааны газрын бүтэц: Архив, Хууль тогтоох үйл ажиллагааны мэдээлэл, хангамжийн хэлтэс, Номын сан	Парламентын дэгийн тухай хуулийн 44-р бүлэг /2004/
10	Египет Мэдээллийн төв	Мэдээллийн төв нь Үндэсний Ассамблейн хууль тогтоох, хяналт тавих үйл ажиллагаанд тусламж үзүүлэх үндсэн болон туслах чанарын үйлчилгээг хийнэ. Үүнд: - Хууль тогтоох чиг үүргийг хэрэгжүүлэхэд шаардлагатай хууль тогтоомжийн мэдээллийн сан бүрдүүлэх, - Номын сангийн мэдээллийн фонд нь бүх салбарын мэдээллийг хамарсан, - Парламентын судалгаанд шаардлагатай мэдээллийг дотоод, гадаад эх сурвалжаас бүрдүүлэх, - Тухайлсан мэдээлэлд бодит шинжилгээ хийх, - Улсын Ерөнхийлөгчийн хэлсэн үгийн агуулгыг шинжлэх, - Парламентын БХ-д, Засгийн газрын байгууллагуудаас гаргасан зөвлөмжийг мөрдөж ажиллах, - Парламентын нэгдсэн хуралдаан, бусад үйл ажиллагааны тайлан мэдээ гаргах, - Ассамблейн гишүүд, ажилтнуудын санхүүжилтийн байдлыг судалж, шинжлэх	
11	Жибути Шинжээчдийн алба	Шинжээчдийн алба нь Баримт бичиг, мэдээллийн газарт хамаарах ба эрх зүй, нийгэм, эдийн засаг, соёл, дипломат болон цэргийн ерөнхий асуудлуудаар техникийн экспертиз хийнэ.	
12	Исланд Улс Мэдээлэл, олон нийтийн хэлтэс	Мэдээлэл, олон нийтийн хэлтэс дараахь зохион байгуулалттай: - Албан ёсны танилцуулгын алба - Судалгаа шинжилгээ ба номын сангийн алба - Олон нийттэй харилцах алба	
13	Их Британи Парламентын шинжлэх ухаан, технологийн офис	Хоёр танхимын дундын Парламентын шинжлэх ухаан, технологийн офис нь шинжлэх ухаан, технологийн бодлогын асуудлаар бие даасан, бусдаас хамааралгүй, хүртээмжтэй анализ хийх үүрэгтэй парламентын дотоод эх сурвалж болох байгууллага юм.	
14	Кабо-Верде Баримт бичиг, парламентын мэдээллийн хэлтэс	Баримт бичиг, парламентын мэдээллийн хэлтэс нь Парламентын мэдээлэл, баримт бичгийн үйлчилгээний газарт хамаарах ба мэдээлэл, баримт бичгүүдийг шуурхай тараах, хураан авах, хадгалах, системчлэнэ зэрэг үүрэгтэй.	
15	Камбож Судалгааны ерөнхий департамент	Ерөнхий нарийн бичгийн даргын удирдлаганд ажиллана.	
16	Литв Парламентын судалгааны газар	Парламентын судалгааны газар нь ерөнхий мэдээллийн хэлтэс, ном зүйн мэдээллийн хэлтэс, эдийн засгийн болон нийгмийн мэдээллийн хэлтэс, эрх зүй ба улс төрийн мэдээллийн хэлтэс гэсэн зохион байгуулалттай.	
17	Марокко Судалгаа, баримт бичгийн хэлтэс	Судалгаа, баримт бичгийн хэлтэс нь Архив, бичиг хэрэг, номын сангийн үйлчилгээний алба болон Судалгаа, орчуулгын албатай.	
18	Мексик Судалгаа, шинжилгээ, анализийн төв	Судалгаа, шинжилгээ, анализийн төв нь Депутатуудын танхимын Парламентын асуудал хариуцсан нарийн бичгийн даргын удирдлаганд Баримт бичиг, мэдээлэл хариуцсан ерөнхий газарт үйл ажиллагаагаа явуулдаг Депутатуудын үйл ажиллагаанд шаардлагатай мэдээлэл, лавлагаа, бодлогын болон харьцуулсан судалгаа зэргийг мэргэжлийн өндөр түвшинд үнэн бодит мэдээлэлд тулгуурлан бэлтгэж үйлчилнэ. Эдийн засгийн, Үндэсний аюулгүй байдал, улс төрийн болон тусгай сэдэв гэсэн 3 дэд хэсгүүдтэй.	Депутатуудын танхимын дотоод журмын 32-р зүйл



19	Молдов Мэдээлэл-судалгааны алба	Мэдээлэл-судалгааны алба нь Парламент судлал, шинжилгээний ба Мэдээллийн нөөцийн хэлтэстэй	Парламентын дэгийн тухай хуулийн 12-р бүлэг /1996/
20	Монтенегро Судалгаа, шинжилгээ, номын сан, баримт бичиг, архивын алба	Судалгаа, шинжилгээ, номын сан, баримт бичиг, архивын алба нь Судалгаа, баримт бичиг, мэдээллийн технологийн секторт хамаарах ба 4 салбар нэгжтэй: - Судалгаа шинжилгээ, бичиг баримт, номын сан, архивын салбар - Мэдээллийн технологийн салбар - Парламентын чуулганы телевиз-радио нэвтрүүлэг, бичлэгийн салбар - Аудио болон бичмэл протоколын салбар.	- Парламентын тухай хууль - Парламентын үйл ажиллагааны журам - Парламентын мэргэшсэн албаны зохион байгуулалт, системчлэлийн дүрэм
21	Намиби Судалгаа, мэдээлэл, нийтлэл, редакцийн хэлтэс	Судалгаа, мэдээлэл, нийтлэл, редакцийн хэлтэс нь Үндэсний Ассамблейг шинжлэх ухааны арга зүйн үндэслэлтэй судалгаа, мэдээллээр хангана. Хэлтэс нь хэд хэдэн албадтай ба тэдгээрийн нэг нь Судалгааны алба ба гишүүдэд хууль тогтоох эрх мэдлээ хэрэгжүүлэхэд нь шаардлагатай судалгаа, мэдээллээр үйлчилнэ.	
22	Нидерланд Парламентын судалгаа, төрийн зардлын товчоо	ЕНБД-ын удирдлаганд хамаарна.	Төлөөлөгчлийн танхимын процедурын дүрэм
23	Норвеги Судалгааны хэсэг (Research Section)	Судалгааны хэсэг нь Стортингийн ЕНБД-ын удирдлаганд Мэдээлэл, баримт бичгийн газарт хамаарах ба гишүүд, БХ-д, намын ажлын албадад экспертийн туслалцаа үзүүлнэ.	- Үндсэн хууль - Парламентын дэгийн тухай хууль
24	ОХУ Судалгааны газар	Судалгааны газар нь хуулийн зохицуулалт шаардагдаж буй нийгэм, эдийн засгийн тодорхой асуудлаар болон хууль тогтоомжийг боловсронгуй болгох талаар мэдээлэл, судалгааны материал бэлтгэж депутатуудад хүргэх үүрэгтэй	Төрийн Думын даргын захирамж
25	Румын Парламент, хуулийн судалгааны газар	Парламент, хуулийн судалгааны газар нь дараах чиг үүргийг гүйцэтгэнэ. Үүнд: - Депутатын танхимын үйл ажиллагааны зорилго, чиг үүрэг, хөтөлбөр, арга хэмжээ, ялангуяа ЕХ-ны хэмжээнд шийдвэр гаргахад оролцсон оролцоотой холбоотой баримтат материалыг бэлтгэх - Депутатын танхимын улс төр, стратеги, шуурхай үйл ажиллагаанд мониторинг хийж, Танхимын холбогдох албадад мэдээлэх - Дотоодын болон ОУ-ын, европын парламентын талаар шинжилгээ, судалгаа хийх - Парламентын байгууллагуудад баримт бичгийг хүргэх, тэдгээрт шаардлагатай зөвлөлгөөг өгөх - Үндэсний болон ОУ-ын хүрээнд ижил төрлийн байгууллагуудтай харилцаа тогтоож, мэдээлэл, арга туршлагаа солилцох зэрэг болно. Парламент, хуулийн судалгааны газар нь дараах хэлтэстэй: - Эрх зүйн судалгаа, баримт бичгийн хэлтэс / Парламентын шинжилгээ, судалгааны хэсэг, Баримт бичиг, хуулийн мэдээллийн хэсэг, Номын сан гэсэн бүтэцтэй/ - Нийтийн эрх зүйн хэлтэстэй байна.	Депутатын танхимын ажлын албаны үйл ажиллагаа, зохион байгуулалтын журам /2009/

Судалгааны эмхтгэл, XIII боть

26	Серби Мэдээлэл, судалгаа, номын сангийн хэлтэс	Мэдээлэл, судалгаа, номын сангийн хэлтэс нь Зохион байгуулалт, Клеркийн секторт хамаарах ба Мэдээлэл судалгааны алба, Номын сан гэсэн 2 албатай. Дараахь чиг үүрэгтэй: - ҮА-н хууль тогтоох үйл ажиллагаатай холбогдуулан мэргэжлийн болон шинжээчийн судалгаа, мэдээллээр хангах; - ҮА-н хуралдаанаар хэлэлцэгдэж буй асуудлаар парламентын гишүүд болон БХ-дод мэргэжлийн харьцуулсан судалгааны үйлчилгээ үзүүлнэ.	- Үндэсний Ассамблейн тухай хуулийн 292-р зүйл - Үндэсний Ассамблейн үйл ажиллагааны журмын 35-р зүйл - Үндэсний Ассамблей / ҮА/-н дэмжлэг үйлчилгээний байгууллагын тухай шийдвэр
27	Сингапур Номын сан, судалгааны газар	Судалгааны газар нь сүүлийн үеийн мэдээлэл, хэвлэлийн чиг хандлага, судалгаанд үндэслэсэн үнэн зөв мэдээллийг бий болгох зорилго бүхий гол байгууллага Номын сангийн гол үйлчилгээ нь парламентын гишүүд, хуулийн төслийн туслахууд, Тамгын газрын ажилтнуудыг мэдээллээр хангах, лавлагааны материал боловсруулахад чиглэгдэнэ.	
28	Словени Судалгаа, баримт бичгийн хэлтэс	Судалгаа, баримт бичгийн хэлтэс нь Судалгааны алба, Номын сан, баримт бичгийн зэрэг албатай.	Үндэсний Ассамблейн дэгийн тухай хуулийн 25-27-р зүйлүүд
29	Турк Судалгааны төв	Судалгааны төв болон Номын сан, баримт бичиг, орчуулгын хэлтэс нь Хууль тогтоомжийн газарт харьяалагдана. Тус төвд эдийн засаг, ОУ-ын харилцаа, улс төрийн шинжлэх ухаан, төрийн захиргаа зэрэг мэргэжлийн судлаач, мэргэжилтнүүд ажиллах ба гишүүдээс ирүүлсэн захиалгын дагуу судалгаа хийж хариуг амаар болон бичгээр өгч болно. Судалгааны ажил, тайлангаар улирал тутам "Bilgi" сэтгүүл, ном хэвлэнэ.	- Үндэсний Их Хурлын даргын 2006 оны 107 тоот шийдвэр - Үндэсний Их Хурлын Судалгааны төвийн журам
30	Украин Эрдэм шинжилгээ- судалгааны газар	Эрдэм шинжилгээ-судалгааны газар нь Төрийн байгуулалтын, Үндсэн хуулийн, ОУ, хүний эрх, ЕХ-ны, Нийгмийн хамгаалал, хөдөлмөрийн, Иргэний болон аж ахуйн харилцаа, жижиг үйлдвэрийн, ХАА, байгаль, экологийн, Төсөв, татварын, Макро эдийн засаг, аж үйлдвэрийн хөгжлийн зэрэг хэлтсүүдтэй.	Парламентын дэгийн тухай хууль
31	Финланд Судалгааны алба	Судалгааны алба нь ЕНБД-ын удирлаганд Мэдээлэл холбооны газарт хамаарах ба парламентаар хэлэлцэгдэж буй асуудал болон гишүүдийн үйл ажиллагаагаа хэрэгжүүлэхэд нь шаардлагатай мэдээлэл, судалгаагаар хангах болон хэвлэлийн материал зэргийг бэлтгэх үүрэгтэй. Мөн ЕХ-ны тухай мэдээлэл, телевизэд зориулсан видео үйлчилгээ, онлайн үйлчилгээгээр хангах зэрэг чиг үүрэгтэй.	Парламентын дэгийн тухай хууль
32	БНХАУ Номын сан, судалгаа болон зөвлөгөө өгөх байгууллага	Номын сан, судалгаа болон зөвлөгөө өгөх байгууллага нь ЕНБД-ын удирдлаганд байна. Мөн Эрх зүйн болон Төсвийн комиссууд тус бүр Судалгааны офистой.	



33	Чех Судалгааны төв	Судалгааны төв нь эрдэм шинжилгээ, судалгаа, сургалт гэсэн үндсэн 3 чиглэлээр үйл ажиллагаа явуулдаг ба дараах зохион байгуулалттай: - дарга - орлогч дарга - судлаачид - захиргааны ажилтнууд Нийт 16 ажилтантай. Үүнд: хуульч 7, эдийн засагч 2, түүхч 1, улстөр судлаач 2, техникийн ажилтан 1, туслах ажилтан 3.	
34	Чили Мэдээллийн хэлтэс	Төлөөлөгчдийн танхимын ажлын албаны дэд Нарийн бичгийн даргын удирдлаганд Мэдээллийн хэлтэс орох ба дараахь 3 албатай: - Хууль, эрх зүйн судалгаа, статистик мэдээний алба, - Иргэний мэдээллийн алба, - Гадаад зөвлөх системийн хэлтэс	
35	Швед Судалгааны алба	Судалгааны алба нь парламентын гишүүд, намын бүлгүүдийн нарийн бичгийн даргын газар, хороод болон парламентын бусад албадад зориулан судалгаа, мэдээллийн ажил гүйцэтгэнэ.	
36	Швейцар Баримт бичгийн алба	Баримт бичгийн алба нь парламентын гишүүдэд шаардалгатай баримт бичгээр хангах, Холбооны Хурлаас шийдвэр гагхад хэрэгцээтэй бүх мэдээллээр хангана. Мөн албан хэрэг хөтлөлтийг зохион байгуулах, хороодын хуралдааны тэмдэглэлийг хөтлөх, уншиж нийлэх, архивт шилжүүлэх, парламентын гишүүдийг лавлагаа мэдээлэл, судалгаагаар хангах үүрэгтэй. Парламентын номын сан энэ албанд хамаарна.	
37	Эстони Эрх зүй, судалгааны хэлтэс	Эрх зүй, судалгааны хэлтэс нь Рийгикогу, Тамгын газрын хэлтэс, албадад эрх зүй, парламентын хяналт, нийгэм, эдийн засгийн салбарууд болон ЕХ-ны асуудлаар зөвлөлгөө өгөх, харьцуулсан судалгаа, шинжилгээ хийх, лавлагаа мэдээлэл өгөх, хууль, тогтоолын төсөлд дүн шинжилгээ хийж зөвлөмж, дүгнэлт гаргах, шинжилгээ судалгааны ажил захиалах, гадаад орнуудын парламентын судалгаа, шинжилгээний байгууллагуудтай хамтран ажиллана.	Рийгикогу / парламент-ын тогтоолоор 1992.10.05-нд байгуулсан
38	Энэтхэг Парламентын номын сан, судалгаа, лавлагаа, мэдээлэл, баримтжуулах болон мэдээлэх үйлчилгээ	Парламентын номын сан, судалгаа, лавлагаа, мэдээлэл, баримтжуулах болон мэдээлэх үйлчилгээ нь Парламентын доод танхим буюу Ардын танхим, дээд танхим буюу Муж Муж улсуудын зөвлөлийн тус бүрийн Тамгын газрын харъяанд байна. 5 хэлтэст хуваагдана. Үүнд: номын сан, судалгаа, лавлагаа, хэвлэл мэдээлэл, олон нийттэй харилцах, парламентийн музей.90 ажилтантай.	Үндсэн хууль болон бие даасан бусад хууль



ОИХ.МН
СУДАЛГААНЫ САН